



28. februar 2024

UPA 2024/109

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Nunatsinni innuttaasut Danmarkimut nuuttarnerat sunik patsiseqarnersoq misissorlugu Naalakkersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut. Nalunaarusiaq UPA25 nallertinnagu Inatsisartunut agguaanneqassaaq.

(Inatsisartunut ilaasortaq Aqqalu C. Jerimiassen, Atassut)

Tunngavilersuut:

Pisariaqalinnginnerpa qulaajassallugu sooq nunaqqaterparujussuagut nunarput qimallugu aallarusuttarnersut uteqqikkusuttannginnersullu?

Sulisussarpassuarnik ullutsinni amingaateqarpugut, ilinniarluarsimasortagut atorfissaqartingaarpagut inuiaqatigiinni, aammami taanna oqaaseq qangalili taajorneqalerpoq, immaqaluunniimmi oqarluartaarutitsialanngornikuuvoq.

Inukilliartupiluulersinnaanerput aarlerinartumiippoq, ilaatigummi takussutissiissutigineqartut 2022-imi innuttaasunit 1200-jut Qallunaat Nunaannut nuussimasut, aali ukiup ataatsip iluinnaani.¹

04/12-23 §37 atorlugu apeqquteqaateqarsimanitsinni Naalakkersuisut akissuteqaataanni ullut qulit ullunik 46-inik² sipporeerlugit takuneqarsinnaavoq, nunarput qimallugu nuuttartut pillugit paasisutissanik sumilluunniit ersittoqanngitsoq. Naalakkersuisullu tamanna akissutissaqartinngivissormassuk, tamattalu takusinnaareerlutigu nussortorpassuit kuussuartut sukkatigisumik ingerlaleriartortut isiginngitsuusaarneqarnera Atassummiit naammagilerparput.

Inoqarfiimmi minnerit paqqertitilernissaat utaqqiinnarsinnaanngilarput, misissuiniarta maannangaaq. Nassuiaammillu nussornermut tunngasumik sanasoqartariaqarnera avaqqukkuminaallivoq.

¹ <https://sermitsiaq.ag/kl/allamut-nunasiartorneqilai-inissarserusuttarput>

² Weekendit ilanngullugit



Patsisaasartut taamaassagatitsineq atornagu qulaarniartigit, tassami maanna §37-ernitsinni akissummi patsisaaasut ilisimaneqannginnerat taariarlugu, taamaassagatitsineq atorlugu akissuteqartoqaramissaaq. Tamannalu Atassummiit imaannaangitsuusoraarputtaa q pissusissamisoorsorianagulu.

Ukiuni aggersuni nussortut taamaannginnarnissaat ilumut ilimagineqarsinnaanersoq Naalackersuisut takusinnaasariaqarpaat, unikaallassappatali sunarpiaq pingaarnerpaatut suliaasaanersoq ilanngullugutaaq nassuiarneqartariaqarluni.

Aningaasatigut ingerlatsinikkullu pisortanut kingunerisassai:

Naalackersuisut nalunaarusiornissaanut ukiup ilivitsup atorneqarnissaa naatsorsuutigineqassaaq misissugassat assigiinngiaarsinnaammata. Tamannalu AC Fuldmægtigep ukiup ataatsip suliaqarneratut allaffissornikkut naleqassasoq naatsorsuutigineqarpoq 500.000kr-mik aningaasartalik.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.